



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Decimusseptimus Imperator Puonkengus. Imperavit annis XXVIII.

urn:nbn:de:hbz:466:1-11848

DECIMUS SEXTUS IMPERATOR

YANG KIAU S.

Imperavit annis VII.

YANG KIAU S NANKENG I frater per vim & ipse imperium invasit, eliminatis nepotibus. Hæc dominandi libido & inter patruos ac nepotes rixæ, parum absuit, quin agnatum huic familiæ successionem extinguerent. Quippe belli dissidio à se invicem distracti totum miscebant imperium. Magistratus Præfectique in factiones discesserant; rem suam quisque gerere, atque ad eorum causam acclinare se, à quibus opes honorésque sperabant. Regulis quoque beneficiarijs fluxa fides, cùm priscam Imperatorum simplicitatem desiderarent, imperium primò timidiūs, mox palam aspernantibus. Pari licentiâ tributa, quæ quotaannis ferre soliti erant, jam recusare audebant. Quare imperio in varios quasi potentatus, qui sui juris essent, distracto, in pejus omnia ruebant. Actum fuisset de Imperatricē domo, déque imperio universo, nisi fluentem rem publ. restituisset Imperator, quo de nunc dicendum.

Cyclo 22. anno
30. ante Christum
Anno 1408.

DECIMUS SEPTIMUS IMPERATOR

PUONKENG U S.

Imperavit annis XXVIII.

PUONKENG U S igitur YANG KIAI I frater, ubi gubernacula imperij tractare cœpit, rem publ. cognitorum maximè ambitio. ne percussam atque afflictam excitare aggreditur. In ambiendâ potestate à se quoque peccatum non diffitebatur, læso nepotum jure; ne tamen exemplum suum prodiret ad alios, cavebat diligenter. Principio igitur imperij nihil priùs quam de legibus actum. A TAN-
GO ejus proavo quondam latæ postquam alibi constitutæ regiæ, & ipsæ simul translatae, velut in peregrino & ignoto solo clanguerunt. Eâ

K

igitur

Cyclo 22. anno
37. ante Christum
Anno 1409.

igitur ad MAO denuo reducta, cives, quò proniùs hanc mutationem acciperent, tum scripto, tum corām horrabatur. Deinde imperatorm familiam antiquato XANGÆ nomine YNIAM indigetavit, à provinciā, è quā prodierat ad fastigium. Præterea totus in eo fuit, ut optimos quoque amplissimis officijs quā domi, quā foris excolet. Seditiosis nusquam locus erat. Denique huc maximè incubuit, ut gubernandi ratio, quā usus erat TANGUS, ejusque mores imitatione reviviscerent. His conatibus prolixè fortuna favit. Nam & ad pristinum statum familia, & reguli beneficiarij dynastæque omnes ad obsequium atque comitia publica rediere; non aliā re magis eos quām virtute Imperatoris invitante. Salutare decretum, quo cavebat in posterum, ut Imperatorum filij succederent, discordijs tandem finiendis, è quibus tot exstiterant mala, successu caruit. Cū enim ipse nullum suscepisset heredem, imperium fratri morte cessit.

DECIMUS OCTAVUS IMPERATOR SIAOSINIUS.

Imperavit annis XXI.

Cyclo 23. anno
52 ante Christum
Anno 1373. **S**iaosinius PUONKENG I frater nullā re par illi vel conferendus, per socordiam rursus imperij statum jam meliorem tantum non pessum dedit. Mollis & voluptarius, quo loco esset respublica, quidque à Præfectis ageretur, adeò pensi nihil habuit, ut ne audire quidem vellet; unis voluptatibus obediens. Quibus ne à quoquam intercederetur, summam rerum assentatoribus crediderat.

DECIMUS NONUS IMPERATOR SIAOYEUS, Imperavit annis XVII.

Cyclo 23. anno
26. ante Christum
Anno 1352. **H**unc SIAOSINIUS pater imperium unā cum luxu, socordiā atque desidiā quasi per manus tradidit. Liberali quidem præceptorum